



REPUBLIKA E KOSOVËS
REPUBLIKA KOSOVA – REPUBLIC OF KOSOVO
GJYKATA THEMELORE GJAKOVË

Numri i lëndës: 2018:019213

Datë: 12.07.2018

Numri i dokumentit: 00080102

P.nr.558/17

NË EMËR TË POPULLIT

GJYKATA THEMELORE NË GJAKOVË-Departamenti i përgjithshëm, Gjyqtarja **DIANA SINA**, me sekretaren juridike Lamije Kuqi, në lëndën penale kundër të akuzuarit I. M. nga fsh.R. K- Gjakovë, për shkak të veprës penale, të vjedhjes së shërbimeve komunale, nga neni 320 të KPRK-së, i akuzuar sipas aktakuzës të Prokurorisë Themelore në Gjakovë, me numër PP.nr.478/2017, të datës 25.08.2017, pas mbajtjes së shqyrtimit fillestar me datën **29.06.2018**, në prezencën e Prokurorit të shtetit Ismet Tofaj , të akuzuarit, përfaqësuesit të autorizuar të dëmtuares K.-Gjakovë, në të njëjtën datë mori dhe publikisht shpalli këtë:

A K T G J Y K I M

I akuzuari **I. M.**, i biri i D., i nënës Sh., e gjinisë Sh., data e lindjes në fsh.R. K. Gjakovë, ku edhe tani banon, ka të kryer shkollën e mesme, punëtor, i martuar- atë i 5 fëmijëve, i gjendjes së dobët ekonomike, shqiptar, shtetas i Republikës së Kosovës.

Ë s h t ë f a j t o r:

Sepse: Me datë të pavërtetuar e deri me dt.25.10.2016 dhe serish me dt.20.02.2017 në shtepin e tij në fsh .R. K Gjakovë , me qellim qe vetit ti sjell përfitim pasuror të kundërligjshëm , me qellim fitimi , në mënyrë të paautorizuar ka shfrytëzuar energjinë elektrike në atë mënyrë që jashtë njëisorit elektrik me nr.... fazën – linjën e ka lidhur direkt në rrjetin elektrik duke penguar kështu regjistrimin e energjis elektrike të shpenzuar elektrike, gjendje kjo e konstatuar nga personat e autorizar Distrikti në Gjakovë me rastin e kontrollës , me ç’rast të dëmtuarës K.- Divizioni i Rrjetit – Distrikti në Gjakovë i ka shkaktuar dëm në shumë prej 1,342.15 Euro.

- me çka ka kryer veprën penale të vjedhjes së shërbimeve komunale, nga neni 320 të KPRK-ës.

Gjykata në bazë të nenit 4,17 par.1,41,46,49,50,51,73, dhe nenit 320 të KPRK-ës, si dhe nenit 365 të KPPK-ës.

G J Y K O N

Dënim me burgim në kohëzgjatje prej **3(tre) muajve**, i cili dënim nuk do të ekzekutohet nëse i akuzuari brenda kohës së verifikimit në afatin prej **1 (Një) viti**, nuk kryen ndonjë vepër tjetër penale, si dhe dënim me gjobë në shumë prej **100 (Njëqind)Euro**, të cilën dënim është i detyruar që ta paguaj në afat prej 15 ditësh pas plotfuqishmërisë së këtij Aktgjykimi.

Nëse i akuzuari nuk dëshiron ose nuk mund ta paguaj gjobën, Gjykata në bazë të nenit 46 par.3 të KPPK-ës, dënimi me gjobë do ta zëvendësoi me dënim burgu në kohëzgjatje prej **5 (pesë) ditësh**, duke llogaritur çdo ditë të qëndrimit në burgim nga **20.-€.(njëzet) euro, të gjobës.**

Detyrohet I akuzuari që të paguaj shpenzimet e paushallit gjyqësor në shumë prej **20 Euro**, në afat prej 15 ditësh, nga dita e plotfuqishmërisë së këtij Aktgjykimi.

E dëmtuara K.-Distrikti në Gjakovë, kompensimin e dëmit mund ta realizon në kontest civil.

A r s y e t i m

Prokuroria Themelore në Gjakovë, pranë kësaj gjykate, ka parashtruar aktakuzën PP.nr.478/2017, të datës 25.08.2017, kundër të akuzuarit I. M. nga fsh. R. K Gjakovë, për shkak të veprës penale, të vjedhjes së shërbimeve komunale, nga neni 320 të KPRK-së. Prokurori i shtetit në shqyrtimin fillestar ka qëndruar në tërësi pranë aktakuzës kundër të akuzuarit, andaj i ka propozuar gjykatës që i njëjti të shpallet fajtor dhe të dënohet sipas ligjit.

I akuzuari I. M. në shqyrtimin fillestar lidhur me fajësinë deklaron e pranon fajësinë ashtu siç është përshkruar në dispozitivin e aktakuzës, për të cilën vepër jam penduar pa masë por premtoi para Gjykatës se veprimin e tillë nuk do ta përsërisë , tani ky keqpërdorim i njëisorit elektrik është eliminuar , tani shfrytëzoi rrymën elektrike në mënyrë të rregullt , si dhe demin e shkaktuar të dëmtuarës e kam paguar në tërësi, andaj i propozoi gjykatës që të merr parasysh rrethanat e lartë përmendura me rastin e shqiptimit të llojit dhe lartësisë së dënimit.

Përfaqësuesi i autorizuar i të dëmtuarës K.-Distrikti në Gjakovë, L. M., deklaron, se nuk e kundërshton pranimin e fajësisë të bërë nga ana e të akuzuarit I. M. , si përfaqësues i palës së dëmtuar i bashkëngjitem ndjekjes penale, ndërsa demin e shkaktuar do ta kompensoi ne kontest civil.

Duke u deklaruar lidhur me mendimin lidhur me pranimin e fajësisë nga ana e të akuzuarit, prokurori i shtetit ka deklaruar se nuk e kundërshton pasi që i akuzuari ka pranuar fajësinë me vullnet dhe vetëdije të plotë dhe i njëjti ka kuptuar natyrën dhe pasojat e pranimin të fajësisë dhe se pranimi i fajësisë u bë në mënyrë të vullnetshme dhe se pranimi mbështet ne faktet dhe provat që përmban aktakuza.

Në shqyrtimin fillestar gjykata ka vërtetuar këtë gjendje faktike:

Në tërësi u vërtetuar se i akuzuari I. M. : Me datë të pavërtetuar e deri me dt.25.10.2016 dhe serish me dt.20.02.2017 në shtepin e tij në fsh .R. K Gjakovë , me qellim qe vetit ti sjell përfitim pasuror të kundërligjshëm , me qellim fitimi , në mënyrë të paautorizuar ka shfrytëzuar energjinë elektrike në atë mënyrë që jashtë njëisorit elektrik me nr.....fazën –

linjën e ka lidhur direkt në rrjetin elektrik duke penguar kështu regjistrimin e energjis elektrike të shpenzuar elektrike, gjendje kjo e konstatuar nga personat e autorizuar Distrikti në Gjakovë me rastin e kontrollës , me ç'rast të dëmtuarës K.- Divizioni i Rrjetit – Distrikti në Gjakovë i ka shkaktuar dëm në shumë prej 1,342.15 Euro.

Gjykata gjendjen e këtillë faktike e ka vërtetuar nga vet pranimi i fajësisë nga i akuzuari, i cili në shqyrtimin fillestar vullnetarisht ka pranuar fajësinë, për shkak të cilës gjykata nuk ka administruar provat, gjykata ka ardhur në përfundim se pranimi i fajësisë nga i akuzuari është bërë në pajtim me nenin 248 të KPP-së. Gjatë pranimit të fajësisë gjyqtarja e vetme gjykuese konstatoi se i akuzuari ka kuptuar natyrën dhe pasojat e pranimit të fajit, pranimi është bërë vullnetarisht nga i akuzuari, pranimi i fajit mbështetet në faktet e çështjet që përmban aktakuza, në materialet e prezantuara nga Prokurori i shtetit dhe çdo provë tjetër dhe se aktakuza nuk përmban asnjë shkelje të qartë ligjore ose gabime faktike.

Gjykata nga të cekurat më lartë ka ardhur në përfundim se në veprimet e të akuzuarit formohen të gjitha elementet e qenies së veprës penale të përshkruar si në shqiptim të këtij aktgjykimi dhe për këtë ka vendosur që të akuzuarin të shpall fajtor dhe të gjykojë në bazë të ligjit, e më parë duke vërtetuar përgjegjësinë penale juridike të tij.

Me rastin e marrjes së vendimit mbi dënimin ndaj të akuzuarit gjykata vlerësoi të gjitha rrethanat në kuptim të dispozitave të nenit 73 të KPRK-së të cilat ndikojnë në zgjedhjen e llojit dhe lartësisë së dënimit, prej rrethanave lehtësuese gjykata ka vlerësuar rrethanat personale të akuzuarit : është baba i 5 fëmijeve , gjendjen e dobët ekonomike, është mbajtës i vetëm i familjes , pranimin e fajësisë, pendimin e tij dhe premtimin se në të ardhmen nuk do të kryejë veprë penale, dëmin e shkaktuar të dëmtuarës ia kam paguar në tersi, e sidomos faktin se për herë të parë ndeshet me ligjin, Gjykata ka ardhur në përfundim se me dënim me burgim në kohëzgjatje prej **3(tre) muajve**, i cili dënim nuk do të ekzekutohet nëse i akuzuari brenda kohës së verifikimit në afatin prej **1 (Një) viti**, nuk kryen ndonjë veprë tjetër penale, si dhe dënim me gjobë në shumë prej **100 (Njëqind)Euro**, do të arrihet efekti dhe qëllimi i tij nga neni 41 dhe 50 i KPRK-së dhe ky dënim i tillë i shqiptuar sipas bindjes së gjykatës është në proporcion me veprën penale të kryer dhe me rrethanat personale të cilat i posedon i akuzuari.

Vendimi mbi shpenzimet e procedurës penale është marrë konform nenit 450 par.1 dhe 2 lidhure me nenin 453 par.1. të KPP-së.

Vendimi për udhëzimin e palës së dëmtuar në kontest civil, për realizimin e kërkesës pasurore juridike, është marrë bazuar në nenin 463 par.2 të KPPK-së.

Me sa u tha më lartë u vendos si në dispozitiv të këtij aktgjykimi, konform nenit 365 të KPP-së.

GJYKATA THEMELORE NË GJAKOVË
- Departamenti i përgjithshëm -
P.nr.558/17 me datën 29.06.2018

Procesmbajtësja,
Lamije Kuqi

Gjyqtarja e vetme gjykuese,
Diana Sina

UDHËZIMI JURIDIK: Kundër këtij aktgjykimi është e lejuar ankesa në afat prej 15 ditësh pas marrjes së aktgjykimit, në Gjykatën e Apelit të Kosovës në Prishtinë, nëpërmjet kësaj Gjykate.